

Tornendo de scola

Corevi 'ndrio a vedi me nono

e vevi afáno

de portaghe 'l disná,

col pignato 'n man

corevi xo pe la caredia

saquajendo la menestra

e me sbrovevi la man.

Lo catevi contento torno la tola

e el me ridoleva

e poi el me ringrasieva.

Fiola, ti segni a ora,

Jera de fá; 'ndrioman

scovevi 'l fogoler e la cuxina,

'n camera jera de fa la besáca,

'l palmento baleva,

dute le cartele del plafon

cajeva sula tola

la che me nono disneva,

lui me buriva:

moreda fá pian,

ti je tempo fina noto

de tigní a posto

la camera e la cuxina.